

在文川网搜索古籍书城 获取更多电子书
dustri ver 文川网
入册商家 古籍书城

中國方志叢書·華北地方·第五二八號

據

清乾隆二十七年刊本
清·汪灝修，鍾研齋纂

影印

陝西 省

續耀州志



成文出版社有限公司印行



10098725

中華民國六十五年 月臺一版

續耀州志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

續耀州志序

將合數百年風俗之盛衰政治之得失而觀其
升降必隨時紀載然後可以信今而傳後耀州
在漆沮間於古帝王都最近觀風者謂有豐鎬
之遺焉迺自喬三石撰志之後未有起而書之
者其在明季兵火多虞災祲屢告民苦流離迨
我

朝定鼎轉亂爲治復觀太平百餘年來

聖

聖相承重熙累洽山陬沐浴僻壤謳頌不詳書於篇

docsriver 文川网
入驻商家 古籍书城

在文川网搜索古籍书城 获取更多电子书

何以察廢興而垂法戒乎 灑奉

簡命忝牧斯土公務之暇繕閱舊志編殘簡斷字跡
模糊黝黝難施亟思重整隨向州人覓其善本
命胥抄錄既付剞劂矣又訪得明季孝廉左重
光

國初明經宋金桂各有續纂未成之書取而閱之
十得一二再與廣文吳君蕭君吏目馮君及州
中諸紳士共相採訪詳稽史冊載閱省志徧求
碑碣歷按卷宗細問遺老博收散軼又得十之
四五特延海寧鍾研齋先生爲之綜覈反覆考

辯詮次成書雖其中歲月久延見聞互異不免遺漏舛錯之虞要之善必求徵言皆有據與虛美傳疑者異矣喬志十一卷分類凡九今卷帙稍減而類則仍之應正者正應補者補較前後之殊綜古今之合觀日新月異之勢嗟乎秦地沃野千里而耀居澗谷土瘠民貧經勝國亂離閭閻遂不可問幸逢

聖世士食舊德農服先疇人物山川皆爲生色覽斯志也二百餘年中得失盛衰之故不了然在目哉不才無以稱乎民牧亦惟配勉自効期無

示
站於簡冊焉爾志成爰書數言弁於簡端

皆

乾隆二十七年歲在壬午六月知耀州事旌德

汪灝撰

續耀州志目錄

第一卷

地理志

沿革

疆域

城池

隄工

山川

河渠

村堡

續耀州志 目錄

道路

古蹟

陵墓

第二卷

建置志

署廨

學校

倉儲

驛傳

第三卷

祠祀志

文廟

壇宇

第四卷

田賦志

額徵

歲支

里甲

編戶

軍需

廠租

鹽法

兵供

帝集

風俗

第五卷

官師志

唐至元

補齊志闕

明嘉靖丁巳後

本朝

文武職

第六卷

人物志

剛介

廉能

忠節

直諫

孝義

勇略

儒林

方外

續前少宗一

列女

第七卷

選舉志

科目

貢生

館學

武科

武途

封秩

掾史

三

第八卷

紀事志

晉至金

詳喬志略

明季

本朝

第九卷

藝文志

表

疏

議

卷之六



四

考

碑記

論

書

賦

詩

諸集

石刻

第十卷

拾遺

第十一卷

書院田租

目錄終

續耀州志

凡例

一 喬志作於明嘉靖丁巳今自丁巳後起其丁巳前有喬志未載者補之載而可疑者質之今昔不符者訂之

一 喬志具載凡例今皆仍之惟內有事涉國典一條偶於祠祀部畧爲變通以資考覽而藝文一門亦間錄數篇取其有關於政事文章人心風俗者

一 喬志分門凡九今亦仍之而九門中又各爲別

類以便醒目後綴拾遺一卷

一事必有據涉疑者不錄

一地僻年遠卷宗多缺故不無遺漏卽如職官選舉其地名年月採訪互異概不率登

一除符檄卷案外援引何書必爲註明

一人物實有事業可紀者爲之叙列其或位未顯著人品共推兼長堪取則於選舉門內附註各人之下

一郡縣志體與全省通志不同但求詳備不憚煩細俾後之作者可採擇焉

docsriver 文川网
入驻商家 古籍书城

在文川网搜索古籍书城 获取更多电子书

續修耀州志採訪姓氏

貢生周宏祚字錫永

廩生左居瀛字名宿

廩生任登字子升

廩生張天秩

廩生焦澤溥

廩生胡正誼字宜菴

廩生左鳴琴字南熏

增生楊宏抱字美功

增生胡正行字恒若

增生宋大顯字承天

生員李煥文字堯章

生員成華袞字采章

生員鄭世擴字克伯

生員張袞衣字龍章

梓人長安縣張斌刊

續耀州志卷之一

地理

沿革

耀州明初屬西安府領同官富平三原宜君四縣後
宜君改隸延安三原富平直隸府州祇領同官縣
一 國初因之雍正三年陞耀州為直隸州又撥
同州之白水來隸十三年閏四月又改州屬西安
府以同官白水分隸西同

考證

喬志序沿革明矣但
未列考證今補之

秦 地理志秦京師為內史師古注秦改立郡縣

而京畿所統特號內史言其在內以別於諸郡守

通鑑注秦內史兼治漢三輔地

漢水經注沮水東南逕殺窰縣故城西縣漢景

帝二年置**江鄰**幾雜志耀有殺窰廟疑殺窰是一

兵器其秦鑄兵之所乎**賈志**殺窰故城在耀州東

北一里**郡國志**殺窰永元九年復按殺窰蓋後漢

書永康元年先零寇關中圍殺窰續通典耀州華

原同官縣本漢殺窰縣地

魏後魏書地形志北地郡魏文帝分馮翊之殺

窰置**元和志**本漢殺窰縣地屬左馮翊曹魏於其

地置北地郡宋敏求長安志漢被稱縣魏文帝自彭原縣界富平故城徙北地郡於此其縣遂廢

晉書地理志北地郡統縣二泥陽富平

北魏北史後魏明帝時改北地郡為北雍州地

形志泥陽真君七年併富平景明元年復

西魏周書文帝本紀廢帝三年改北雍州為宜

州隋書地理志華原魏置北地郡西魏改通川郡

續通典華原縣元魏廢帝三年置通川郡領泥陽

縣

北周周書鄭孝穆傳保定三年為宜州刺史隋

書地理志西魏置通川郡開皇初廢元和志廢帝三年通川郡領泥陽縣開皇六年改華原

隋書地理志西魏宜州通川郡開皇初郡廢大業初州廢元和志開皇三年罷通川郡以泥陽縣隸宜州六年改泥陽爲華原縣大業三年省宜州以華原隸京兆郡

唐書地理志義寧元年以華原置宜君郡貞觀十七年州廢以華原隸雍州德元年曰宜州貞觀十七年州廢以華原隸雍州垂拱二年更華原曰永安天授二年復置宜州大足元年州廢神龍元年復永安曰華原天祐二年

李茂貞墨制以縣置耀州

五代 通考 唐末李茂貞以京兆華原縣置耀州

領縣一梁改崇州後唐復為耀州以京兆之富平

三原雲陽同州之同官美原五縣來屬 通鑑注 李

茂貞以華原置茂州尋改耀州 職方考 耀州 李茂

貞置治華原縣

宋 宋史地理志 耀州華原郡領縣六 雍大記 太

平興國初改耀州為感德軍元祐三年復為耀州

通考 耀州治華原有殺柵城 元史 唐耀州宋為感

義軍又改感德軍又為耀州如故金因之



金 金史地理志 金耀州治華原縣 通考 宋屬永

興路建炎四年沒於金 金隸陝西京兆府路

元 元志 元至元元年併華原縣入州 綱目集覽

輝州古耀州也 三原縣志 元改耀州為輝州隸奉

元路

明 明一統志 在府城北一百八十里 三原志 元

改耀州為輝州 洪武二年仍改耀州 省志 耀州明

初屬西安府領縣四後宜君改隸延安府 弘治三

年以三原直隸府 萬歷間又以富平隸府

疆域

州治在布政司北一百八十里距京師二千四百里
東至富平縣界十里西至淳化縣界五十里南至
富平縣界三里北至三縣廟係宜君同官交界處
六十里東南至富平縣界七里西南至三原縣界
二十里東北至同官縣界十五里西北至三水縣
界九十里

南至三原縣治八十里北至同官縣治七十里西
至淳化縣治九十里東南至富平縣治六十五里
西北至三水縣治一百六十里

形勝 前抱乳山後倚高原漆水經其東沮水繞其

西

西安府志

東連馮翊南尉長安得藉之藩蔽延慶之

腰齊

陝西通志

城池

州城周一千二百十六丈高二丈五尺年久剝落又

漆沮歲漲屢嚙城根崇正初關內道翟時雍捐俸

修東城十年春藩司經歷劉文濟署耀州踵修之

門與樓悉宏敞逾昔制順治八年知州劉漢卿築

東城三十餘丈康熙二十五年沮水冲西城舊鎮

鐵牛漂沒無迹民居多圯知州補築新城退入十

數丈三十四年又冲復補土門甚瘁五十年東北

城角被漆冲潰知州吳賓彥改易河道水遂安流
城得不圯近自乾隆五年估修需銀二千五百六
十餘金至二十二年續估卽需銀五千八百三十
餘金統入緩工俟輪修之年確估修理

南熏樓嘉靖間知州李廷寶建在南城上萬歷辛巳
知州李一經重修自爲記今廢

堤工

城外舊有護城石堤明崇正三年關內道翟時雍提
各屬夫車修築州人宋鑑爲題澤鴻保障四字康
熙二十五年沮水潰其西至今殘缺不完已往修

建碑碣盡矣乾隆十四年洪水潰其東署知州鍾一元議開河以洩水築壩以護隄十五年知州田邦基繼其事用捐助銀二百六十二兩旋被異漲工盡棄又補修銀一百五十兩十六年夏霪雨河淤壩決石隄去數丈重修議於河水東流之西岸別開引河長八十五丈口寬二十丈中四之三尾半之深一丈直趨南下並將十四年議開之河疏濬寬深借動司庫公用銀九百四十七兩於本州公費項下十年扣還挑損民地撥官地償之十八年工竣二十六年河水又溢冲刷土壩并及石

docsriver 文川网
入驻商家 古籍书城

在文川网搜索古籍书城 获取更多电子书

隄直薄城下知州汪灝捐錢六十餘緡築隄如故
更甃土壩以石繞東而南水勢漸殺河流漸遠

請暫緩城工先築河隄議

知州汪顯

竊照卑州城工奉飭估修原係憲臺專摺奏明以
工代賑之業敢不祇遵迅速勘估領帑興修以仰
副憲臺惠濟窮黎之至意惟是州城形勢臨河受冲
有不得不剴切縷陳上請鑒核者伏查耀州一城漆
沮二水環抱合流自正統己巳築城至今三百餘年
屢鬻屢崩築堤修壩終難免於衝激城西北角有舊
築石堤三道距城根二丈許其二道歷被沮水奔駛

刷去無存僅存其一現係頂冲實爲要害其西南城
角於康熙三十四年又被水冲塌遺二丈築城七十
餘丈該址可稽嗣於乾隆二十一二十五等年又冲
陷三十餘丈地面刷進寬七丈簡次報明在案其東
城於乾隆十四年添水奔潰前任臣收借領藩庫銀
九百四十餘兩疏河起壩分作十年在公費項下捐
還迨二十五年水冲壩斷刷去石堤城根崩陷十餘
丈經職職搶救堵塞城身半存水退後捐資將亂石築
壩一道權爲保護此三處被患之情形也而西北之
水勢劇於城東西南之工程倍艱於西北今職會同